

Ruj.Kami : Prk.ML.08/25-22(21)  
Tarikh : 10 Januari 2014

**Y.B. DATO' SRI ISMAIL SABRI BIN YAAKOB**  
Menteri Pertanian dan Industri Asas Tani  
Kementerian Pertanian dan Industri Asas Tani  
Aras 17, Blok 4G1, Wisma Tani  
62624, Presint 4  
**PUTRAJAYA**

Y.B. Dato' Sri,

**PELAKSANAAN DASAR BARU PELESENAN JABATAN BERKAITAN  
PENGUNAAN PEMBANTU TAIKONG DI ATAS VESEL PENANGKAPAN IKAN  
ZON B**

Dengan segala hormatnya saya merujuk kepada perkara tersebut di atas.

2. Sukacita dimaklumkan bahawa Jabatan akan melaksanakan peraturan baru berkaitan syarat penggunaan pembantu taikong di atas vesel zon B. Pertimbangan khas ini diberikan untuk mengatasi masalah pemilik vesel yang tidak dapat turun ke laut disebabkan mempunyai urusan lain yang tidak dapat dielakkan. Pelaksanaan dasar baru ini tidak membawa maksud hilangnya syarat 'USAHA SENDIRI' ke atas semua vesel penangkapan ikan zon B, sebaliknya adalah untuk membantu pemilik vesel memastikan vesel mereka untuk terus dapat beroperasi dan menjana pendapatan Negara melalui sektor perikanan tangkapan.

3. Dasar baru ini adalah seperti berikut :

- i. Pembantu taikong adalah warganegara Malaysia yang berdaftar dengan Jabatan.
- ii. Hanya seorang pembantu taikong dibenarkan dalam satu masa.

PERIKANAN PRODUKTIF MENJANA TRANSFORMASI

4. Sehubungan itu, syarat 'USAHA SENDIRI' yang telah dimasukkan/dicop dalam buku lesen vesel Zon B tersebut perlu **dipinda** selaras dengan dasar baru ini seperti berikut:

***USAHA SENDIRI – Vesel hendaklah diusahakan sendiri oleh pemilik vesel***

**DIPINDA KEPADA**

***USAHA SENDIRI – Vesel hendaklah diusahakan sendiri oleh pemilik vesel atau pembantu nakhoda seperti mana yang ditetapkan di dalam buku lesen***


Pindaan syarat tersebut bagi menjamin hanya pembantu nakhoda yang didaftarkan oleh Jabatan dan dicatat di dalam buku lesen sahaja yang boleh mengusahakan vesel Zon B tersebut sekiranya pemilik vesel iaitu nakhoda tidak dapat keluar ke laut dan syarat baru ini hendaklah dicop di dalam buku lesen oleh Pejabat Perikanan Negeri / Daerah.

5. Untuk makluman Y.B. Dato' Sri, pelaksanaan dasar baru ini akan dilaksanakan sepenuhnya bermula **1 FEBRUARI 2014**. Segala perhatian dan kerjasama daripada Y.B. Dato' Sri dalam perkara ini amatlah dihargai dan didahului dengan ucapan ribuan terima kasih.

Sekian terima kasih.

**“BERKHIDMAT UNTUK NEGARA”**

Saya yang menurut perintah,



**( DATO' HAJI AHAMAD SABKI BIN MAHMOOD )**  
Ketua Pengarah Perikanan Malaysia  
Ibu Pejabat Perikanan Malaysia  
**PUTRAJAYA**

s.k

YBrs. Timbalan Ketua Pengarah Perikanan (Pembangunan)

YBrs. Timbalan Ketua Pengarah Perikanan (Operasi)